

Қос театр көлікті болды  
2-бет

Қазақ баспасөзінің қайқы қылышы  
4-бет

Азаттық тағылымы: Абайдың көзімен  
5-бет



ҚАЗДАУЫСТЫ ҚАЗЫБЕК БИ: СӨЗДІҢ АТАСЫ - БІРЛІК, АНАСЫ - ШЫНДЫҚ

# ORTALYQ QAZAQSTAN

Қ А Р А Ф А Н Д Ы О Б Л Ы С Т Ы Қ Қ О Ф А М Д Ы Қ - С А Я С И Г А З Е Т І

www.ortalyq.kz

www.instagram.com/ortalyq.kz/

СЕНБИ, 16 ЖЕЛТОҚСАН, 2023 ЖЫЛ №141 (23 317)

www.facebook.com/ortalyq.kz/

info@ortalyq.kz

## Қасиетті Тәуелсіздігіміз мәңгі болсын!

САРАПТАМА

### Бостандық жолы: Тәуелсіздіктен бүгінге дейін

Қазақ деген қасиетті халықтың Азаттық жолындағы арпалысы талай ғасырды ұзатыпты. Бар болу үшін де батырлық қажет! Әр нәрсенің өз уағы болады. Өзіңіз қалағандай өмір сүруге итермелейтін бір тылсым күш тәуелсіздіктің ақзер таңына ұластырды. Енді Сіз бен біз бодаусыз болған бостан жолымызды өз қолымызбен жазу үстіндеміз. Алмасты көмірге емес, көмірді алмасқа қалай айналдыра алдық?! Аямай сусаған жайдары шағмымызға қалай келдік? «Болсаң бол, болмасаң жоқ бол» деген тасбауыр жаһан талабына қылар ендігі қайранымыз қайсы? Айтайық.

ланыстарды нығайтуға ұмтыла отырып, Қытайдың «Бір белдеу, бір жол» бастамасына белсенді қатысады.

Осылайша 1991 жылғы 16 желтоқсанда қабылданған «Қазақстан Республикасының мемлекеттік тәуелсіздігі туралы» Конституциялық заңы үлбір үмітті үздіктіріп, қазақ қана амандасуынан алдын айтылар «Сүйінші!» дегізді әлемге. Бұл құжат ұлт тағдырындағы түбегейлі өзгерістерді, Қазақстан халқының шынайы

Ерқанат КЕЧЕСБЕКҰЛЫ, «Ortalyq Qazaqstan»

#### Азаттық айшықтары

Саясат сахнасында. «Менің ойымша, Қазақстаннан көп елге үйренерлік мысалдар бар. Бұл елде әлемдегі әртүрлі ұлт өкілдері бейбіт өмір сүреді. Тіпті, Қазақстан халқы Ассамблеясы да жұмыс істейді. Бұл батыс әлемі үшін де Қазақстан бүгінде кез келген елдің одақтасы бола алатын өңірдегі санаулы елдердің қатарында екенін мойындаған маңызды», – деп пікір қосты Нью-Йорк штаты Ассамблеясының экс-депутаты Алек Брук-Красный.

Қазақстан саяси мінберде, өңірлік әрі әртарапты әлемдік аренада мәмілегер ретінде маңызды рөл атқарады. Сөзіміз дәйекті болуы үшін бірнеше аспектіге тоқталмасқа болмас. Бір тараптың қауызына сыйып кеткен алмағайып кезеңдерде Қазақстан халықаралық жанжалдарды бейбіт жолмен шешуде белсенгер тарабынан бір миллиметр ауытқымас емес.

Ядролық қаруысыздану. Қазақстан Семей ядролық полигонын жабу жолымен Тәуелсіздік алғаннан кейін өзінің ядролық арсеналынан бас тарту туралы сындарлы шешімі дүние дипломаттарын мойындағып, төңгі етті. Содан бері Қазақстан ядролық қаруысыздану және ядролық қаруды таратпау жөніндегі бастамаларды белсенді қолдап келеді.

Экономикалық дипломатия. Қазақстанның экономикасы мен энергетикалық сектордағы салмақты орны республиканы дүниежүзі алпауыт мемлекеттердің



маңызды әрі сенімді серіктесі қылды. Қазақстан түрлі елдермен экономикалық қатынастарды белсенді дамытып, Шанхай Ұнтымақтастық Ұйымы, Орталық Азия-

дағы қауіпсіздік және ынтымақтастық ұйымы сынды тарихи кенен халықаралық ұйымдардың белді мүшесіне айналды. Өңірдегі сауда және экономикалық бай-

бостандыққа ие болуын, оның қадір-қасиеті мен рухани құндылықтарының жандануына темірқазық болды.

5-бет

#### Құрметті жерлестер!

Сіздерді Қазақстан Республикасының Тәуелсіздік күні мерекесімен шын жүректен құттықтаймыз!

Тәуелсіздік – халқымыздың басты байлығы. Ол ғасырлар бойы біздің ата-бабаларымыздың жарқын арманы болып, ұлттық идеяға айналды. 1991 жылы 16 желтоқсанда халқымыздың аңсаған арманы орындалып, еліміз егемен мемлекет атанды.

Бүгінгі таңда Қазақстанда адамның құқықтары мен бостандықтары басты демократиялық құндылықтарымызға айналды. Тәуелсіздік күні біздің бірлігімізді, тұтастығымызды айшықтайтын маңызды ерекше күн. Тәуелсіздік қоғамдағы барлық өзгерістер мен реформалардың негізіне айналды. Сонымен бірге, ол біздің алдымызға мемлекеттілігімізді нығайтуға бағытталған маңызды мақсаттар мен міндеттерді қояды.

Жылдан жылға біз азаматтарымыздың әл-ауқатын жоспарлы түрде арттырып, әлеуметтік маңызы бар нысандарды балабақшалар, мектептер мен ауруханаларды салып, шағын және орта бизнесті, өндірісті дамытып жатырмыз. Мұның барлығы біздің Тәуелсіздігіміздің арқасында жасалуда. Тәуелсіздік – қоғамды бірлестіріп, оның дамуына ықпал ететін, алға қойған мақсаттарға жетуге үндейтін ұлы күш.

Құрметті тұрғындар! Біз барлықтарыңызды осынау ұлы мерекемен құттықтай отырып, сіздерге және жақындарыңызға зор денсаулық және өркендеу тілейміз. Еліміздің береке – бірлігі нығайып, Тәуелсіздігіміз мәңгі жасай берсін!

Ермағанбет БӨЛЕКПАЕВ,  
Қарағанды облысының әкімі  
Нұркен КОБЖАНОВ,  
Қарағанды облыстық мәслихатының төрағасы

### «Айбоз» сыйлығын алды

Тәуелсіздік мерекесі қарсаңында «Айбоз» ұлттық әдеби сыйлығын айбынды ақын Жанат Жаңқашұлы Алатаудан Арқаға әкеліп, абыройымызды биіктетті.



Қасымхан БҮРКІТҰЛЫ, «Ortalyq Qazaqstan»

Әдеби байқауда «Үздік поэзия» ата-лымында ақынның «Көзімнен сүй, көбелек» атты өлеңдер топтамасы ат оздырды. Ақынның албырт өлеңдері енді жеңімпаздардың туындыларымен бірге антологиялық кітапқа басылады. Жаңа жинақ жақын күндері 400 дана болып, жарыққа шығады.

Сыйлықты халықаралық «Алаш» сыйлығының лауреаты, ақын Маралтай Райымбекұлы табыстап тұрып, «Поэзияны таныған қазылар алқасына рақмет, құрметпен жиналған қауымға және бас бәйгелі алған саған рақмет», деді. Жеңім-

пазға «Айбоз» ескерткіш сыйлығы мен 5 млн. теңге табыстады.

Жанат Жаңқашұлының алғашқы жыр кітабы – «Тәңір таңбасы». Кейінгі өлеңдері «Ойтамғанға» топтасқан.

Қаламгер Қазақстан Жазушылар одағы Қарағанды облыстық филиалының директоры. Бірнеше әдеби жобаға жол ашып, мәдени шаралардың өтуіне ұйытқы болып жүргенін және айта кеткеніміз жөн.

«Орталықтан» қанат қаққан қаламгердің жұлдесіне бек қуанып, қаламына қуат, өлеңіне өмір тілейміз!

8-бет

«ӘДЕБИЕТ – АРДЫҢ ІСІ»

### Ұлт рухына ескерткіш

«Ақын не жазса да, өзі туралы жазады» дейді Есенғали Раушанов. Жұбан Молдағалиев та «Мен – қазақпын!» поэмасында өзі туралы жазды. Арқалана, асқақтата жырлады. Өзі – халқы. Жастайынан көп қиындық көріп, еңбекке пісіп өскен ол көптеген тарихи оқиғаны елімен бірге басынан кешті. Ашаршылықтың зардабын, репрессияны, сұраныл соғысты, тың игеруді, желтоқсан оқиғасын көрді. Мың өліп, мың тірілді. Яғни, өз тағдырын халқының тағдыры деп ұқты. Қара басын күйттеген жоқ. Азаттықтың ақ таңын көре алмаса да, тәуелсіздіктің орнайтынына, елінің өсіп-өркендейтініне имандай сенді. Егемендік идеясының халық жүрегіне маздауына ықпал етті. Біз мұның бәрін поэманы тұтас оқып шыққандықтан айтып отырмыз...

Жәлел ШАЛҚАР, «Ortalyq Qazaqstan»

Поэма әдебиет майталмандары тарапынан өз бағасын алған. Мойындалған. Елдің құлағына сіңген, жадына орныққан. Демек, оның өміршеңдігі, өлмейтіндігі дәлелденді. Туынды 1963 жылдың қара күзінде басталып, 1964 жылдың көктемінде аяқталыпты. Шығарма тумас бұрын Жұбан ақын «Қазақ» деген өлең жазған екен. Яғни, ақын бұл шығарманы жазуға өлден дайындалған. Оқып отырып, үлкен дайындықты, ақынның ішкі әлеуетін, қуатын аңғарасыз.

«Жұбанның «Мен – қазақпын!» тамаша поэмасы халқымыздың, бүгінгі көрі-жасымыздың қанатты сөзіне, мақтанш сезіміне айналып кетті. Қазақтың баяғы қағажу, мешу ел емес. Ол – терезесі тең жұрт. Ол – талантты халық. Халқымыз бұғаудан босап, бойындағы асыл қасиет-жігерін күллі әлемге паш етті. Бұл дастанның ақын шығармаларының көш басында өрге қиялай тартқан атан түйедей, жолында жүк қалмайтын нардай биік шоқтығы.



Коллаж жасаған Ш.Адамбеков

ВАЛЮТАЛАРДЫҢ РЕСМИ БАҒАМДАРЫ:

•EUR/KZT 496.73

•USD/KZT 455.63

•RUB/KZT 5.08

•CNY/KZT 63.87

Қазақстан Ұлттық Банкінің 15 желтоқсан, 2023 жылғы дерегі бойынша













